

Agenda 2026

Cussegl da vischnaunca

M E S S A D I

dalla suprastonza communalal al cussegl da vischnaunca

Stimada signura presidenta
Stimadas signuras cusseglieras
Preziai signurs cussegliers

1. Introducziun

La suprastanza communal ha definiu sia strategia e las finamiras per la legislatura 2025/2028. Per contonscher quellas finamiras ei previu annualmein rodund otg sedutas ordinarias dil cussegl da vischnaunca. Tut tenor diember da fatschentas sa era vegnir convocau ulteriuras sedutas extraordinarias. En gliez cass vegness coordinau il termin ensemen cul biro dil cussegl da vischnaunca.

2. Termins

Suandonts termins ordinaris per las sedutas dil cussegl da vischnaunca ein planisai igl onn 2026:

- Mesjamna, 28-01-2026
- Gliendisdis, 23-03-2026
- Gliendisdis, 04-05-2026
- Mesjamna, 17-06-2026
- Venderdis, 21-08-2026
- Mesjamna, 28-10-2026
- Venderdis, 04-12-2026

Las sedutas dil cussegl da vischnaunca ein cun excepziuns mintgamai planisadas venderdis ni mesjamna sera (entschatta: 20:00). Plinavon duei la seduta - sche pusseivel - cuzzar entochen max. allas 22:00, per aschia aunc saver tgirar silsuenter il bien spért da cuminonza e guder empau la buna cumpignia.

3. Fatschentas

Sper las fatschentas ordinarias (quen, plan da finanzas e preventiv) cheu ina survesta d'entginas fatschentas ch'ei previdas da tractar durant igl onn 2026:

- Entschatta revisiun parziala constituziun communal
- Revisiun parziala leschas allontanament e purificaziun auas / providiment d'aua
- Revisiun lescha davart l'organisaziun en cass da crisa
- Nova lescha davart igl uorden ed il ruaus public
- Sanaziun passapei Via Alpsu e realisaziun fermada Cucagna
- Sanaziun ulteriuras vias tenor program dil plan da finanzas
- Planisaziun ed entschatta realisaziun luvratori communal
- Projectaziun e credit sanaziun ed engrondaziun serenera Raveras
- Planisaziun ed entschatta realisaziun parc da giugs e moviment cun center d'acrobatica
- Persequitar vinavon project areal Hess/Couchepin
- Planisaziun mesira "Casa Communal" / "Nani Bazar" (augmentar attractivitat dil vitg)
- Planisaziun ed entschatta realisaziun senda Salaplauna
- Adattaziun dallas taxas da hosps e dallas taxas da turissem

Ulteriuras fatschentas ch'ein buca numnadas san tut tenor necessitad e prioritad medemamein vegnir tractadas duront ina dallas sedutas ordinarias ni extraordinarias dil cussegl da vischnaunca.

4. Proposta

Sin fundament dallas ponderaziuns suramenziunadas propona la suprastonza communal al cussegl da vischnaunca da:

- prender enconuschientscha dall'agenda 2026 dil cussegl da vischnaunca.

Suprastonza communal Disentis/Mustér
Il president: Il meinafatschenta:



René Epp



Roland Cajacob

Disentis/Mustér, ils 24 da november 2025